

April 30, 2009

**FLOODWAY AMENDMENT ACT WANASOWÉWI  
MASINAHIKAN KÁWÍ WÍTAK AWA MANITOBA LEGISLATURE****Óma Wanasowéwi masinahikan ta mínéw óki Manitoba Floodway Authority ká itimit ta nákcitácik anima méskanaw anté wápanok itéké kici sákahikanik Lake Winnipeg: Lemieux**

Awa Government of Manitoba kí wítam óma wanasowéwiniw masinahikan ta tawinamát awa Manitoba Floodway Authority (MFA) ta kinawápanikot wína óma káwí osicikáték kapé askíy ta ápatak méskanaw nété itéké wápanok oci Lake Winnipeg, awa ká kinawápanikot Kici Wanasowéwikimaw Manitoba Infrastructure and Transportation Minister Ron Lemieux kí wítam anoc ká kisikanik éyako.

“Kayásk oci ásay, ká oci kakwécikémocik ókik ininiwak nété itéké wápanok oci Lake Winnipeg ká wíkcik ta ositániwanik méskanaw tápitaw táki ápatak inikok ité ta oci kakwé pimácihocik éko ta ositamásocik pimácihona ité itéké, itwéw,” awa Minister Lemieux. “Ékóma ispík kí osicikátéki méskanaw ta wícicikémakan óma inikok kékwána ta násakitéki ispík pimáwatániwaki, ité ta isi osiciképaniki atoskéwina éko mína nawac ta wécitácik ókik ininiwak ité ká wíkcik ta papámotéhocik ékoté itéké anima kapé askíy.”

Anima káwí wíkcikáték wanasowéwi masinahikan ta mínáw awa MFA's wína kakinaw ta kinawápanikot anima oci East Side Transportation Initiative ká itakik. Ékwánima anima isicikéwin ta ositániwak méskanaw péyak mitátomitano tépakop mitano tipáskana é iskwak anté oci PR 304 cíkcic Manigotogan isko Bloodvein First Nation sápo nété isko Berens River First Nation. Óma isicikéwin ta kinawápacikátéw tánté óma máwaci kékí isi mináwsik ta nayisícikáték óma méskanaw wéká kotak nántaw ité kékí pimatomok.

Lemieux mína awa itwéw óma wanasowéwin taki méskwacinikátam anima Manitoba Floodway Authority ká itit isi Manitoba Floodway éko East Side Road Authority.

Ékoma óma oski wanasowéwin ta kinawápatam anihí kákípe isi asotamawát oki wápanók oci kici sákahikanik ká ayánit ininiwa inikok ká itasték anima masinahikan Promises to Keep kákí ositániwak 2004, itwéw awa Culture, Heritage, Tourism and Sport Minister Eric Robinson, ká níkanakisot Kici wanasowéwikimáwinik Aboriginal and Northern Affairs. “péyak kékwán éki oci kiskénicikáték óma kákí papámi kakwécikémoniniwak kékwána tápitaw ta ápatak méskanaw ta osicikáték óté éko táti mino pamihikowak ókik ininiwak óma ité itéké ká ayácik.”

Éyako awa MFA kípé wítatoskéméw oki ininiwa ká ayánit óté oki itawina wínawáw ta ocihocik ékoté oki atoskévina káwí ati páskitépaniki anima oci kánániskipépanik,” itwéw awa Ernie Gilroy, ká níkánekisot anta MFA. “Ékoma kákí mínikawiyak ta paminamák éko ké ati níkáni nanayísitayák oki kékwána káti yá osicikátéki.”

Lemieux awa itwéw ókik wínawáw anisinápéwak óté ká ayácik óki itéké itawina wínawáw ta mínicik wéká ta kinawápamicik óki oci atoskévina éko tánisi kékí isi miskakik ita kékwániw táti oci pimácihocik nantaw isi.

“Ékwánik ókik ininiwak tápitaw kípé wícihiwéwak óma oci éko ékoté wístawáw táti ayáwak óma káwí nakisítániwak éko káwí paminikáték méskanaw nété itéké wápanok oci kici sakahikanik,” itwéw awa Lemieux.

Lemieux awa wítam óma inikok táki ati mácitániwak ta mínicik anihi masinahikana ká wítakik éká nántaw ta isi nisiwanácitániwak askíy inikok ta tawinamácik ta máci ositácik anima méskanaw, kí wanáskonáwak asa ininiwak ta apicik anta Okimáwinik East Side Road Authority ká icikáték ta kinawápamikocik ékwéniw. Óma awa January 30, askíy písím ká akisot kí sákaskinayikátéwa masinahikana óma ta nóciikáték nété otatoskéwikamikowák ókik Manitoba Conservation. Inikok kakinaw kékwán ta tawinikáték óma ta isicikaniwak ta maci osicikátéw anima méskanaw nántaw ati takwakiki 2010, mékwác ká nahisicikáték anima méskanaw Rice River isko éko kotaka atoskévina ká itocikátéki.

Kiaspin awasimé kínóté kiskéniténawaw óma oci East Side Transportation Initiative ká icikáték, óté pé isi masinahikékék [www.eastsideroadauthority.mb.ca](http://www.eastsideroadauthority.mb.ca)

BACKGROUND INFORMATION ATTACHED

# East Side Transportation Study Area



